

Fifidianana depiote

# Nodoran'ny olona ny biraon'ny SRMV any Toliara II

2

# NY VALOSOA

Gazety miseho intelo isan-kerinandro  
(Talata - Alakamisy - Sabotsy)

VAOVAO

Jehovah, Madagasikara 5  
29 mey 2019, hafatra  
manokana laharana 44

[www.gvalosoa.com](http://www.gvalosoa.com)

[gvalosoa@yahoo.com](mailto:gvalosoa@yahoo.com)

facebook : gazety valosoa rakoto

Sabotsy 1 Jona 2019

Laharana 916

Vidiny : 400 Ar

Tsy fahatomombanana tamin'ny fifidianana

2

Ampitatafika-Antanifotsy

7

# Tsy maintsy Razana miisa 3 hitory ny TIM.K25

# Razana miisa 3 nisy nanary tao anaty rano



RAHARAHAM-PIRENENA

5

Mizotra mankany  
amin'ny fahaverezana  
i Madagasikara



Midongy Atsimo

2

Manao izay hanintsanana ny  
kandidà tsy miankina ny IRD

Antsohihy

3

Nahitana kara-pifidianana sy  
kara-panondro maro neparitaka

Ny Valosoa sy Mahasoa

4

Ireo soa azo amin'ny  
karibonetra

Daka kely

Ny Frantsay daholo izany no mian-  
toka anareo ireny ry Boaikely a !

Boriboritany faha-6 - CUA

6

Mpivady miisa 57 nahazo fisoratam-  
panambadiana maimaimpoana





## Ny Valosoa sy hadihady

**Fiadidiana ny Repoblika : vahiny sy ireo mizaka zom-pirenena Frantsay no betsaka**

**V**oizin'ny fitondrana amin'ny sehatra samihafa ankehitriny fa misy ny fahombiazana, mizotra amin'ny tokony ho izy hono ary tena mihazakaza ny fandrosoana ankehitriny. Ny zava-misy dia ireo mpanolotsaina sy ireo tandapa manodidina ny fiadidiana ny filohan'ny Repoblika ankehitriny dia vahiny sy ireo manana ny zom-pirenena frantsay avokoa. Manana ny iraka ampanaorina azy izy ireo dia ny hampanjaka hatrany ny hifehezan'ireo mpanjanaka fahiny indray ny nosintsi, ny ara toe-karena sy ny sehatra maro eto amin'ny firenena. Mangiry fotsiry ny politika fampizarazarana hanjakanana, izay toa mampizara ny malagasy tahaka izao amin'izao fotoana. Izay mitambatra vato anefa hoy ny fitenenana. Efa tena ao anaty teti-panorin'izy ireo izao tranga samihafa mitranga etsy sy eroa izao, ka tsy tokony ho gaga isika fa tahaka ny valala voatango manoloana ny fandikan-dalana sy ireo tsy rariny mitranga rehetra ataon'ity fitondrana Rajoeleina ity ankehitriny.

Ho fanampin'izany ny filoham-pirenena izay vovonana iadian'ny lohany mitsidika any Frantsa no efa

midadradradra sahadys fa nandresy izy ireo ary maro an'isa amin'ny solombavambahoaka, marin-toerana hoy izy ny fitondrana, ka inoany fa hitondra fampandrosoana haingana. Dia ho rariny ve raha izy no hiteny izany mialoha nefy ny lalana no miteny fa tsy misy mahazo mamoaoka vokatra na iza na iza hafa-tsy ny CENI, ny vokatra vonjy maika, ary ny HCC ny vokatra ofisialy, izy ireo no nomena fahefana hamoaka ny vokatra vonjimaika rah any CENI, nefy mbola tsy vita izany izao. Notsinontsonilavina tanteraka ny didy aman-dalana fa tsy mba nahandry akory ny andro hanaovan'ny CENI ilay fanambaranay vokatra vonjimaika akory izy ireo. Ireo no manaporofa fa tena mbola eo ambany vahohon'ny mpanjanaka Frantsay isika. Manaltra antsika avarapianarana sy ireo tia tanindrazana mba tsy ho tafiditra ao anatin'ny velapandrik'izy ireo fa mamarina an-kady tanteraka ny firenena izao fizotrany izao, raha hampanjakaina eto amin'ny firenentsika indray izany fanjanahana amin'ny endrinhy vaovao izany.

Ny Valosoa

**ANTSOKIHY****Nahitana kara-pifidianana sy kara-panondro maro niperitaka**

Tsy ho mora ny asa miandry ny Fitsarana Avo momba ny Lalampanorenana (HCC) amin'ny fitsarana ny voka-pifidianana solombavambahoaka lasa teo iny. Saika manerana ny Faritra maro dia ahitana fihetsiketehana manohitra ny voka-pifidianana avokoa. Any amin'ny Faritra Sofia, ahitana izany fihetsiketehana izany ny ao Bealanana. Tsy ambanin'izany ihany koa ny ao Antsohihy, izay samy mihizingizina ny mpomba ny kandida roa voalohany, fa samy nibata fandresena. Omaly maraina, nisy trangan-javatra hafahafa tsikaritra tao an-tampotan'Antsohihy. Kara-pifidianana sy kara-panondro maro, izay nisy nampiasa sy nikasa hampiasa no niperitaka. Tao Ankiririky-



Ireo kara-pifidianana sy kara-panondro niperitaka tao Antsohihy.

Avaratra no nahitana azy ireo, ary nisy olona tsara sitrapo izay nahatsikaritra ireto zavatra hafahafa ireto no nanome vaovao ny mpanao Gazety tao Antsohihy. "Karapanondo sy kara-pifidianana

natao inona tokoa ireto?", hoy ny fanontaniana ny maro. Ny tsikaritra, dia saika avy any amin'ny kaominina Ambanivohipatra avokoa no anarana voarakitra amin'ireto karatra ireto. Olona

tena misy ve, sa matoatoa na anarana noforonina ireto anarana mrobe izay voasoratra amin'ireto karatra ireto. Iza no ao ambadiky ny fampiasana ireto karatra ireto. Fanontaniana mila valiny ireo ka ny fanadidiana ataon'ny tompon-andraikira no hamally izany rehetra izany. Tsiahivina fa raha ny vokatra feno vonjimaika amin'ireo bira 197/197, izay voarakitra amin'ny SRMV, dia ny kandida Jao Jean (IRD) no mitrika amin'ny isam-bato 4.044, ary i Hyacinthe Befeno no manaraka azy, nahazo vato 3.047. Vokatra izay tsipahi'ny kandida Befeno sy ny mpira-dia aminy. Ho hita eo ihany ny ho tohin'ity raharaha ity.

Ny Valosoa

**Boriboritany faha-4****Nankasitraka ireo mpify ny kandida TIM.K25 : Rambô**

Nankasitraka ireo mpify ny kandida Rambo-salamo Emilian na Rambô na mbola tsy ofisialy aza ny voka-pifidianana mivoaka. Misaotra an'Andriamanitra lehibe isika noho ny nahatranana ny andro anio sy nahavita ny fidiianana ho solombavambahoakan'i Madagasikara ny alatsinainy lasa teo, hoy izy. Eto aho kandida depioite Rambo-salamo Emilian amin'ny TIM.K25 Boriboritany faha-4, sy ireo mpiray lisitra amiko dia maneho fisaoarana sy fankasitrahana ny vahoaka Malagasy rehetra, indrindra ireo mponina



ao amin'ny Boriboritany faha-4 nahatontosa ny adidiny ho an'ny firenena tamin'ny nandehanana mpify. Mametraka ny fisaoarana manokana ho

an'ireo izay nametraka fitokisana tamiko sy ireo mpiray lisitra aho, na dia mbola vokatra tsy ofisialy aza no mivoaka ankehitriny. Manentana

Nangonin'i Helisoa

**NY TENY FIAINANA**

Matio 15:18

Fa izay mivoaka avy amin'ny vava kosa dia avy amin'ny fo, ka izany no mahaloto ny olona

facebook

NY VALOSOA  
Gazette Hebdomadaire de l'Actualité Malgache VAOVAC

Mirongatra ny vaky fasana amin'ny faritra sasany eto amintsika



Zanak'i Gasikara Ofisialy : vaovao ratsy, fasana vaky, maro be ireo razana very taolana, misa telo ireo fasana vaky Aty Ambohimasina Voalohany Ambohibary. Tena mampalahelo. Aiza ny fitondrana amin'izao fotoana, aiza ny mpitandro filainana.

Miarh Tiana : very daholo ny fianakaviana.

Clement Rasolofoniaina : fanapotehina kolontsaina io ary tokony hokarohina ny antony mahatonga io vaky fasana io.

Ninas Ramaroson : marina tokoa zany fa tena misy operation be zany, ny antony amiko: ny malagasy dia tsara ny taolana dia amidin-dry zalahy angamba na tena misy bizana be.... fasana ve moa dia vakiana fa tena efa tsy misy jery intsony isika gasy avahizo.

Tafita Solofoniaina : Ambohibary Sambaina ve?

Rhshanjy Djäné : oui, eny Ambohimasina 1.

Sorisara Tafita : tena tokon hatao zay ahitan an'ireo olondrats reo dia tena terena mafy mihitsy hilaza ny mpaniraka, sy hilaza izay tena antony mahatonga azy ireo anao izao fomba ratsy izao.

Jeannot Ramahaleo : Js Ram, vaky fasana temy Ambohimasina, tiko ho fantatra ihany sao dia ny fasana nandevenana an'i bebe Rasoaniry. Ny havana avy any @ mama...

Rhshanjy Djäné : Ambohimasina 1, fasan'i Gervais avy ao Anesika, fasan'i dada Bona, fasan'i dada i Armand maire ta-loha. Reo zany ny tompony fasana vaky.

Rakotoarivo Harry Finaritra : niwem ny t@ andron-dRajao kkk!!

Marmitiana Rakotomalala : oay mampalahelo, mampahanay aminizy ity dia ireo fiangonana zandriny no misy milaza fa ao ambadik'izao fangalarana taolam-paty izao, mba hialan'ny Malagasy amin'ny kolontsaina, tena tsy azo ekena raha izany.

**TONONKALO****Ny fifidianana eto Madagasikara**

Be dia be no efahivaha vao resa-pifidianana, Noho ny atao ireo mpitondra sy ny manam-pahafetana. Tranga maro no mitony ny tsy fahatomombanana, Saingy mialo tena foana ireo izay tompon'ny lalana .

Hainy hatrany ny mangina na ny mialaala bala, Raha vao hoe ny akamakama no manao zava-tsy mety, Ka ny fahaleovantenany , zary mampisalasala. (Asa izay mamatotra azy na ny vola na malety !)

Ndeha jereo ny zava-misy sy ny salam-pahavitrhana. (Tena nidina tanteraka raha ny omaly no topazana.) Be dia be no sahy milaza sy nanao fanamarihana Fa antsasany mahery ireo mpifidy no tsy tzazana.

... Be dia be no efahivaha vao resa-pifidianana, Fa dia resaka maloto , tsy ahitana zava-marina. Ka raha io no hojerena , ka raha io no hoe tombarana Dia ny akaman'ny mpitondra , ireo no amboarina sy akarina.

## An-tsary misongadina Ny Valosoa Vaovao

Njaka, Helisoa

Ny fisoratam-panambadiana faobe teny amin'ny Boriborintany faha-6



Ny fanaovana fitsabona maimaimpoana teny Anosimahavelona.



## Sakafo Ny Valosoa



Trondro endasina sy lasary voatabia indray no laoka amin'ny Sakafo eto amin'ny gazetinao androany. Dia mazotoa homana tompokeo.

## NY VALOSOA sy Mahasoa

## Ireo soa azo amin'ny karibonetra

Ny soa azo avy amin'ny karibonetra indray no Mahasoa eto amin'ny gazetinao androany. Ny karibonetra: na ny Bicarbonate de soude: akora mora hita sady tsy lafo vidy nefo dia mahavariana ny zava-tsoa azy avy amin'ny fampiasâna azy:



- 1) NY MASINATY : maka karibonetra tokony ho am-pahatelon'ny sotrokeley afangaro amin'ny rano mafana antsasaky ny vera, io no sotroina. Eo no eo dia mety handrezatra be ianao , tsy misotro intsony re-hefa afaka ny masinaty. (Ny masinaty dia avy amin'ny hoe masina+aty, izany hoe somary re mamaivay ny vavony izay mifandray andraikitra amin'ny aty, be loatra ny laro avoakan'ny aty noho ny fahatongavan'ny sakafa navesatra loatra, hany ka be ny tahan'ny asidra mpandevon-kanina dia lasa re mamaivay marikily ny vavony. Tsy fahatomombanan'ny taova fandevonan-kanina no mampa- masinaty).

- 2) NY ATI-VAVA : rarahanana Karibonetra my fitaovana fiborosiana nify, somary maisamaisatra nefo dia manono ireo karazana « bactéries » any antsefatsefaky ny nify any.

- 3) NY AKANJONIFY MARARY : Raha misy maharary ny akanjonify dia lemo kely ny loha-panondronao ary atsoboy anaty karibonetra, petapetao amin'ilay faritra maharary anao ao anaty ativava izany.

- 4) NY ANKIZY MIFOHA NIFY : lemo kely ny loha-panondronao ary atsoboy anaty karibonetra, petapetao amin'ilay faritra misy ilay nify vao hipongatra.

- 5) Ny « Infections urinaires » na ny mamaivay rehefa mivalan-drano: maka karibonetra tokony ho antsasaky ny sotrokeley afangaro amin'ny rano 8 vera eo, io hosotroina ao anatin'ny 24 ora.

- 6) NY HIDIHIDY, NY MONY, FIVONTOSANA KELY AMIN'NY HODITRA: afangaro amin'ny rano kely ny karibonetra ho lasa toy ny « pâté », io no ahosotra ny faritra mangidihidy na ny mony .

## NY VALOSOA sy Mahavariana

## Ny tanànan'Isorana any amin'ny faritra Matsiatra Ambony

Ny tanànan'Isorana any amin'ny faritra Matsiatra Ambony indray no Mahavariana sy Mahaliana eto amin'ny gazetinao androany. Renivohitry ny distrikan'Isandraity tanàna ity. Amin'ny lalampirenenana RN 42 mampitohy an'i Fianarantsoa sy Ikalamavony no misy azy, amin'ny faritra avaratra atsinanan'ny faritra Matsiatra Ambony. Avo toerana ihany ity tanàna ity satra 1123 m ny haavony mihatra amin'ny ranomasina. Fambolena sy fiompiana no foto-piveloman'ny any an-toerana. Faritra mena ity kaominina noho ny tsy fandriampahalemana amin'ny resaka halatr'omby.



# Jehovah, Madagasikara 29 mey 2019, hafatra manokana laharana 44

Fanambarako Jehovah Mpanjaka ho ren-tany ren-danitra fa antomotra ny zavatra rehetra.

**I Tantara 16: 31 "Aoka ho faly ny lantara ary ho ravo ny tany; Ary aoka holazaina any amin'ny firenena hoe: JEHOVAH NO MPANJAKA."**

Ho tohizako ny fanazavana. Fa ny Anarako atao hoe JEHOVAH dia hosorampotaka, tsy izy izany, tsy marina izany, aza atao an'izany. Fa ita ary no Anarako e! Andriananitra ve? Ilay Avo Indrindra ve? Fanampiny izany, JEHOVAH Ilay Avo Indrindra, JEHOVAH Mahagaga sns... fa tsy hoe isika mivavaka amin'ilay be fitlavana, amin'ilay avo Indrindra. Iza ilay avo Indrindra? Ny hazo koa anie mba avo Indrindra noho ianareo e, ny masoandro, ny kintana. Fa aleo IZAO JEHOVAH mba ho tononina amin'ny Anarako fa ampio fotsiny hoe MPANJAKA. Hianareo mantysy afaka hiteny fotsiny hoe MPANJAKA. IZAO manaihky hoe io Davida Mpanjaka satrira nanambara ny Fanjakoko JEHOVAH izy. Fa tsy ekeko ireny mpanjaka be dia be atsangatsanganareo ireny. Inona no teneno'reno mpanjaka ireo? Fa raha mbola tsy miteny AHY JEHOVAH MPANJAKA dia tsy mpanjaka izany Amiko. Ary ny mpanjaka Amiko dia izay notendreko, nantoiko, nohosorako, nampiakanjoko. Ny mpitriteny, ny mampianatra, ny mpaminany, ny evanjelistra aza ve hosorana maika ve fa mpanjaka hamplomana sy hilaza AHY amin'ny vahoaka rehetra. Davida dia nanao izany. Solomona nanao izany fa tsy navelan'ny olona. Izay mpanjaka ho tendreko eo dia efa tena mamestraka ny fiaiany rehetra sy ny ataony rehetra eo ary mampianatra ka manomboka amin'ny fokantony dia efa milaza fa IZAO no JEHOVAH MPANJAKA, any amin'ilay toerana rehetra misy indrindra ho an'ny mpanatratra. Hiova ny tantara, tena hiova. Ianao raha hamplanatra dia mampianatra ny momba AHY JEHOVAH aloha. Ny fantatra dia FAHAMARINANA. Betsaka ny lalanan'ny Fahamarinana tsy maintsy ho tanterahana. Izaho Jehovah tsy mahalala afa-tsy ny Fahamarinana. Efa noteneno anareo izany. Tsara ny zava-boary ary nataoko hidera AHY ireny ka noho izany tsy maintsy hametraka mpanjaka AHO hiahay an'ireny. Hametraka mpanjaka araka ny sitrapoko AHO hamerenako amin'ny laoniny izao zava-misy iainanareo izao. Hosorana izany, hapetraka izany vao afaka mipe-traka ary anjaran'ny mpaminany no manao an'izany fa tsy hoe izay tiantan'ny olona hataeo. Fiderara tsy misy ohatra-n'izany amin'izany fotoana izany.

**Salamo 99: fanomezam-boninahitra AHY JEHOVAH noho ny fahalehibiazako sy ny Fahamarinako. JEHOVAH no MPANJAKA na IZAO no JEHOVAH MPANJAKA, aoka hangovitra ny firenena. Hatretso dia tsy misy firenena mangovitra noho ny Amiko fa samy manao danin'ny kibony, samy manao izay mampetipely azy. Samy manao izay rehetra fantany ny olombelona, na ny fiango-nana, na ny tanana, na ny mpianakavy, na ny vahoaka na ny mpitondra samy manao, tsy misy mangovitra ka manao hoe 'eh! Tsy mety amin' JEHOVAH izao zavatra ataoantsika izao'. Izany no hidrako, hitsarako ny tany. Lehibe ao Ziona IZAO JEHOVAH. Ary Avo ambonin'ny firenena rehetra AHO. Aoka hidera ny Anarako Lehibe sy mahatalabota ny vahoaka fa MASINA AHO JEHOVAH. Io FAHAMASINAKO lo mihitsy no tsy aper-trakty olona. Ny herin'ny mpanjaka tia-raniry. Ny Fahamasinan'ny mpanjaka manao Fahamarinana. Tadidio izany. Amptiorina ao ny Fehitsiana. Fitsaharana sy Fahamarinana no hataoneo era-n'ny firenena. Manandatra AHY JEHOVAH MPANJAKA hianareo ka miankohofa eo amin'ny fitoeran-tongony**

fa MASINA AHO. Ny dikan'ny miankohofa dia tsy mahefa na inona na inona, tsy mahalala na inona na inona, tsinon-tsinona, misaotra, midera, mankalaza sns... Mahazo tombony kokoa izay miankohofa ambany.

Ka IZAO JEHOVAH hanendry mpanjaka araka ny fahitako, araka ny fahendreko, araka ny fitiavako, araka ny foko, araka ny sitrapoko fa tsy araka ny anareo. Ny anareo anie mbola assaina misafidy hoe lza amin'ireo e ka tsy izay metimety aminareo ve sy tsara tarehy no safidianareo, tsy izay ahazahozaohao-nareo kely ve, izay nanandratrindratrata anareo sy nanome toerana? Diso izany fa ny AHY JEHOVAH izay araka ny sitrapoko, izay manao ny sitrapoko, izay sahy milaza ny sitrapoko, izay sahy mampianatra ny sitrapoko, izay sahy mampanjaka AHY eo amin'ny olona ka tsy matahotra, izay no hofidiako, izay no hapetrako. Sambatra hianareo manana MPANJAKA, IZAO JEHOVAH IZAY dia mamestraka an'i JESOSY ho MPANJAKA eo aminareo. Izay no dikan'izao ASA izao hoe lo ary ny MPANJAKA , hajao IZY, ekeo IZY, inoy IZY, tiavo IZY dia JESOSY izay. Inona no antony hampanjaka an'i JESOSY dia hanambara AHY JEHOVAH eo aminareo, hanambara ny FANJAKAKO. IZY anie nanambara ny FANJAKAKO dia izay no antony namo-noana AZY. Tonga IZY nitsara no tsy Fahamarinana rehetra dia halan'ny olona. Izay no antony nampidinana AZY dia ny hilaza fa misy ny FANJAKAKO ary MISY AHO JEHOVAH. Ary ny antom-pisian'ny Batista dimy dia hisy ny Batisan'ny Fahany Masina. Ny Fahany Masina napetrak'i JESOSY no hanambara AHY, IZY no hampanjaka anareo sy hanambara aminareo AHY. Aoka tsy hisy hilaza zavatra hafa ankoatry ny Fanjakoko. Ny anirahana ny Fahany Masina dia hanery anao hilaza ny Fanjakoko, hilaza AHY JEHOVAH. Betsaka any anaty Fiango-nana any no mivaona.

**Marka 1: 14 Rehefa voasambatra I** Jaona dia nakany Gallilia JESOSY nitory ny Fanjakoko. Filazantsara izay nolazai-n'i Jesosy =. Izaho JEHOVAH io; JESOSY koa nirahina hilaza AHY JEHOVAH. Ny fiatombohan'ny Fanjakaka dia tsy maintsy hoe kely dia mitra. Tahaka izany koa ny an'ny Firenena, kely dia mihalehibe dia mihalehibe. Tsy misy zavatra tonga dia ngezabe izany. Fa raha hianareo no mianatra Amiko dia ho hitanareo aliza ny fiafarany? Any amin'ny Fanjakoko. Ny Ahy Jehovah dia vaovao mandrakariva. Katsaho izany, itombor izany. Ianao aloha fa aza maika ny amin'ny hafa. Efa feno ve? Efa nadrarev? Efa nahnazo ve? Koa mahereza ary mampitombo ilay Fanjakana izay kely sy bitika ao aminao. Enga anie ianao hanaraka an-tsakany sy an-davany izay lazako. Mahereza dia misastra amin'ny fankatoavana sy fihainoana.

Amen

Mbola hitohy.

**JEHOVAH MPANJAKA MANDRAKIZAY**

Telephone : 033 12 461 43

E-mail:  
jehovahandriamanitra@gmail.com

Facebook : Jehovah Andriamanitra page

Radio:

Antsiva, FM 97.6, Alarobia maraina 5ora 45min- 6ora

Soa Radio, FM 96.8, Alahady maraina 6ora 30min - 7 ora

RMK, FM 102.4, Asabotsy 12 ora -12 ora 30min

Gazety Ny Valosoa Vaovao ([www.gvalosoa.com](http://www.gvalosoa.com)): mivoaka Talata sy Asabotsy

## TAFATAFA

### Raniry any Mahajanga

### Mizotra mankany amin'ny fahaverezana i Madagasikara

**Ny fanehoan-kevitri'i Raniry, mpanoratra sy mpanakanto any Mahajanga indray no Tafatatafa eto amin'ny gazetinao androany:**

**V**ita iny ny fidifianana solom-bavambahoaka hoy izy. Ny tena nanamarika azy voalahany dia ny fahambanian'ny tahan'ny mpifidy sy ny tsy mbola fahalavoraniana teo amin'ny lisi-pifidianana. Tsy mbola nisy tahaka an'ity farany ity angamba raha teo amin'ny tantaran'i Madagasikara no lazaina, fa tsy nahatratra telopolo isan-jato akory manerana ny Nosy. Eo indrindra no tian-kasi-an-teny sy soritana manokana. Mahagaga sy tena mahatalanjona tanteraka fa kinga sy maika ary mailaka sy tena havanana isika Malagasy raha hanome tsiny sy himenomenona kanefa ny ankamaroantsika azo tsy tanta mifidy akory. Aza tonga mifidy ihany fa izay tsy tianao no tsy maintsy ho lany. Efa nolazaiko teto izany andro maromaro lasa izay. Antony maro no azo hanazavana io fahambanian'ny tahan'ny mpifidy io, fa ny lehibe indrindra amin'ireo dia leo sy tofoka ary boboka tanteraka ny vahoaka ka tsy te-handray andraikitra intsony ; indrindra raha fidifianana no asian-teny. Raha izao zava-misy iainantsika ankehitriny izao no tsy ahitam-bahaoalan haingana dia tena mizotra mankany amin'ny fahaverezana tanteraka i Madagasikara. Izay tsy tian'ny maro an'isa hatrany no tsy maintsy hitondra ny tany sy ny firenena ato anatin'ny folo taona ho avy, fa ireo vitsy an'isa sisa no tsy mifidy. Manifikifi-doha avokoa izay rehetra mifanena amin'ny tena, kanefa mba firy tamin'ireny mimenomenona ireny moa no tsy hanefy no adidiny ka mifidy? Mizotra mankaiza ry vahoaka Malagasy malala ity firenentsika ity? Mitsiriritra mihitsy ny tena mandinika an'i Rwanda izay firenena efa tena farahidiny indrindra fa rotiky ny ady an-trano sy ny fifandrafesana ary ny fifanenjehena, kanefa isan'ireno firenena mandroso indrindra aty amin'ny kaontinananta Afrika amin'izao fotoana izao. Ny vahoaka sy ny mpitondra mihitsy no miara-tapa-kevitra hanavotra ny firenena. Toa mampahatsiay ny nanojo an'i Japon tamin'ny taona 1945 ; ny vahoaka manontolo sy ny mpitondra mihitsy no niara-tapa-kevitra ka ni-fanome tanana nanao soroka miarlanianana nanavotra ny fireneny. Aiza no toerana misy an'i Japon amin'izao fotoana izao?

Manentana ny vahoaka Malagasy

### Taratasin'ny mpamaky

Taratasy ampitaina amin'ny gazety Ny Valosoa Vaovao sy ny mpamaky azy izao manaraka izao : midera ny vahoaka any amin'ny faritra mahasahy mijoro hatramin'ny farany ho fiarovana ny vahoaka pifidianana misy mitady hanodina : Bealalana, Bekily, Ambositra, Sakaraha, efa andalana ny any Mahajanga, sns... Toa ho manerana ny nosy ity. Efa miteny aho hoe tofoka tanteraka amin'ny halabaton'ny Mapar/IRD/TGV ny vahoaka. Mihevitra ny vahoaka ho toy ny ampondra mihitsy izy ireo, misy farany io fandeferan'ny vahoaka io. Ho vaky ny takotra: tsy hitory

any amin'ny Hcc sy Ceni ka tsy hanaihy intsony mihitsy ny vahoaka fa hijoro hatramin'ny farany araka ny nambaran'izy ireo. Rehefa ny any amin'ny faritra izay no mihetsika dia tsy ho tananao intsony mihitsy ninonionna ataoao. Manabado sy manao tsinontsinona ny safimdimbahoaka loatra ity fitondrana Andry Rajolaina mpanongam-panjakana sy mpandika lalana ity.

**Antoine Brady Ranaivoson**  
Lot..... Tanamborozano  
Toamasina

**Nanonin'Isambilo**

## BORIBORITANY FAHA-6

## Mpivady miisa 57 nahazo fisoratam-panambadiana maimaimpoana tamin'ny CUA

**A**raka ny vina sosisy lin'ny ben'ny tanàna Lalao Ravalomanana hatramin'izay dia mitohy hatrany ny asa sosialy izay karakarain'ny boriboritany fahaenina, kaominina Antananarivo Renivohitra (CUA). Omaly zoma dia nanatantera fisoratam-panambadiana faobe ny teo anivon'ny boriboritany, ka mpambady tanora miisa 57 no voasoratra fa vita fisoratam-panambadiana maimaimpoana ara-panjakana, nahazo ny bokim-piankohonana. Ny tanjona amin'izao hetsika izao hoy ny delegen'ny boriboritany faha-6, Fehizoro Andriamananjekiza dia ny fiahiana



Nandritra ny lanonana fanatanterahana ny fanambadiana.

ara-tsosialy sy fitsinjovana ireo mpivady efa niteraka sy nanana tokantrano efa ela, nefaniry ny mba hisoratra,

ary Indrindra ireo olona sahirana. Ny CUA dia nanamora sy nanafain-gana ny fikarakarana ny antontan-taratasy rehе-

tra, ka nahafahan'ireto farany nisitraka izao lanonana ara-panjakana omaly izao.

Helisoa

## Boriboritany faha-4

## Mijery ny asa sosialy miantraika amin'ny vahoaka toy ny fitsaboaana maimaimpoana ny CUA

Mijery ireo asa sosialy miantraika mivantana amin'ny mponina hantrany ny Kaominina Antananarivo Renivohitra (CUA), tarihan'ny ben'ny tanàna, Lalao Ravalomanana. Araka izany, nisitraka fitsaboaana maimaimpoana sy fanomezana Koba alina, sakaf

ara-pahasalamana ho an'ireo ankizy miisa 200 mahery ary fandindràna ny flainam-planakaviana, no nokarakarain'ny kaominina Antananarivo Renivohitra ao amin'ny boriboritany faha 4, tao amin'ny fokontany Anosimahavelona omaly. Amin'ny maha vehivavy

ny ben'ny tanàna Lalao Ravalomanana hoy izy dia lefitra faharoan'ny delegen'ny boriboritany faha-4, ny dokotera Ramboalamasoandro dia nataony laharam-pahamehana koa ny fitsinjovana ireo ankizy sy vehivavy renim-pianakaviana, indrindra ireo sahirana

ara-pivetormamana. Iza no tanteraka hoy izy dia teo ny fiaraha-miasa tamin'ny Association Mère et Enfant sy ny Nutri-Zaza ary ny Marie Stopes International. Tsy hijanona ao amin'ny fokontany Anosimahavelona irery hoy ny filohan'ny Association Mère et Enfant, Ramato Razmahandrisson. Fara ny asa ataoanay fa hiatratra maneuvera ny boriboritany 6, izay hisaorana ny ben'ny tanàna tamin'ny fiaraha-miasa nisy teo aminay hatramin'izay. Naneho fankasitrhana ny ben'ny tanàna sy ny CUA ary ireo mpiara-miombon'antoka aminy ireo nahazo tombontsoa tamin'izao fitsaboaana maimaimpoana izao satra tena afa-pahasahiranana izy ireo.

Aly



### SARIITATRA : Voky lainga sy voky nofy isika amin'ity fitondrana ity



## Boriboritany faha-5 (CUA)

## Nanao fanadiovana tatatra faobeteny Andranobevava

Mitohy hatrany ny asa fanadiovana tanterahin'ny boriboritany fahadimy, Kaominina Antananarivo Renivohitra (CUA). Manomboka indray ny fanadiovana ny tatatra eny Andranobevava miainga eo amin'ny sekoly Le Petit Nil ka hatreny Nanisana. Niara nisalahy nanatantera ny asa ireo ekipa teknika sy ireo agent d'assainissement. Nanomboka ny 28 mey ka hifarana ny 11 jona 2019 ity asa ity. Mandritra izany dia tanjona ny hanala ireo tsikafona sy fako manakana ny fikorinan'ny rano ary hisorohana ny fiakan'ny rano indrindra amin'ny fotoam-pahavaratra. Koa entanina hatrany ny mponina mba tsy hanary fako any anatin'ireny lakandrano ireny, any anaty dabam-pako ihany no tokony hanariana ny fako.

Aly



Ny fanadiovana tatatra nataon'ny Boriboritany faha-5.

## Boriboritany ao amin'ny CUA

## Nomena fiofanana momba ny fanaovan-dalana ireo teknisiana

Nomena fiofanana, tetsy Antsakaviro, mahakasika ny fanaovan-dalana ireo mpiasa mbola hanohy ny fanatanterahana ny asa fanaovan ireo lalan-kely sy totoha-bato eny anivon'ny Boriboritany miisa 6 eto amin'ny Kaominina Antananarivo Renivohitra (CUA). Niatrika izany ny lefitra voalohan'ny ben'ny tanàna, Olivier Randrianarisoa, Tompon'antoka amin'ny fiofanana ireo teknisianina eo anivon'ny kaominina Antananarivo Renivohitra. Marihana fa ireo vato nesorina teny amin'ny lalampirenena nasiana fana-boarana no entina anaovana fotodrafatrasa eny anivon'ny fokontany ao amin'ny boriboritany miisa enina. Miainga avy amin'ny fangatahana ataoan'ny fokonolona eny amin'ny boriboritany no hanovaana la-lankely, na totoha-bato arakaraka ny filana.

Serge



## PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Fano R



## An-tsary misongadina Ny Valosoa Vaovao Njaka, Helisoa

Ny kandida TIM K25 nanao valan-dresaka tamin'ny mpanao gazety tao Bel'Air.



COMMUNE URBAINE D'ANTANANARIVO  
BORIBORITANY FAHADIMY

## DIDI-POITRA FAOBE MAIMA IMPOANA

Ny 21 JONA 2019

ILAZANA ISIKA RAY AMANDRENY MANAM-PANIRIANA HANANTANERAKA IZANY HO TONGA HISORATRA ANARANA ETO AMIN'NY BORIBORITANY VARAVARANA FAHA 23 RIHANA FAHAROA.

« Boriboritany mitsinjo vahoaka »

MISY FIZARANA MALABARY, KILALAO VATOMAMY



### FILAZANA

ILAZANA NY BESINIMARO FA HISY

Fisoratam-panambadiana Faobe ary maimaimpoana.

- Toerana : **FIRAISANA FAHADIMY AMBATOMAINTY**
- Andro : **21 Juin 2019**
- Ora : **7 Ora sy sasany**

Taratasy ilaina : (bo an'ny Lahy sy Vavy)

- Kopia lava latsaky ny telo volana alaina any amin'ny toerana nahaterahana.
- Certificat de résidence alaina any amin'ny Fokontany.
- Certificat de célibat alaina any amin'ny Fokontany
- Photocopie CIN (mpivady sy vavolombelona).
- Valopy 4 misy timbre poste 4 x 1000 Ar.
- Taratasy faneken'ny olon-droa hivady (alaina ao amin'ny sekretera).
- Taratasy Fangatahana fisoratam-panambadiana (alaina ao amin'ny sekretera).
- Fanaterana ny dossier : Porte 12.
- Izay **50** voalohany ihany no horaisina.

N.B : Raha mila fanazavana fanampiny dia manatona

ny varavarana faha : 12 na 14bis.

